

宋

會

要

全唐文

宋會要

廂巡

真宗景德四年閏五月詔京城內外諸廂比差禁軍巡檢蓋察冠盜如聞以覘事為名取求財物宜令開封府偵捕嚴斷仍安殿前侍衛司常行約束大中祥符元年十二月置京新城外八廂真宗以都門之外居民頗多舊例惟赤縣尉主其事至是特置廂吏命京府統之二年六月詔在京人戶遺火須候都巡檢到方始救潑致枉燒屋先令開封府今後如有遺火仰探火軍人走報巡檢畫時赴救都巡檢未到即本廂巡檢先救如去巡檢地分遙遠左右軍巡使或本地分廂界巡檢員僚指

揮使先到即指揮兵士水行人等與本主同共救濟不得枉折遠火屋舍仍軫轄不得接便偷盜財物如有違犯其軍巡使廂虞候員僚指揮使並勘罪以聞其本犯人即送軍頭司引見訪聞近日須候都巡到方始下手宜令檢會分明榜示舉行違者計遣火人戶側近公私人等陳告當行重斷天聖五年六月十五日復申明前詔六年三月開封府勘宿鋪兵士三人因寒食節假質庫衣裝賭博不勝遂謀於五鼓時伺行人繫之棄屍河流取衣裝貿易贖其所質帝曰太宗時巡鋪兵士不令同指揮人一處須馬步軍相參分擘緣軍分不同未相詣奏責令各相覺察此乃朝廷機事何故不能遵守樞

審院可申前詔行之四月詔禁諸廂鎮擅置刑禁者至
道初禁鎮將廂校妄理詞訴而禁華人者至是潁州廂
校張珪強簪牛者為盜至死刑部請申前制七年五月
詔諸州廂鎮所由捕未獲用百日為三限決罰減等如
景德三年三大戶條八月十九日詔京城關競願送開
封府者並聽本廂巡檢不得斷決外州巡檢亦准此送
所屬州府天禧二年八月詔新城裏地分巡檢兵士自
今捕獲逃軍一人支錢二百賊一人支錢五百三年二
月并代州走馬承受張永和等言并州城南草市闕城
內民戶二千餘亦有軍營在其間止以廂四人巡邏望
詔并州總管司選指使忠佐一人給兵健五人每夜警

巡從之四年四月九日詔近日遺火稍多雖累條約訪聞尚有接便姦倖放火謀盜財物其救火兵士水行人等又不用心救濟及捉賊人致有將擎刀斧斫開門戶籠櫃般盜物色本主收救又為巡檢人員約攔不令向前或致緣燒舍屋踈失財物甚多開封府宜令左右軍巡使相界所由及密切差人緝捉放火及遺火去處賊人仍榜示許人告候獲賊勘遯人不虛犯人於本處處斬一房骨肉並配逐惡州軍告事及緝捉人支賞錢一百千軍人公人更與轉三資百姓願安排者亦聽不願者更兩倍支賜如同情并受寄賊人等亦許從中首告給賞軍人與轉兩資百姓願安排者亦聽不願者

更一倍支賜並以係省錢支如止於遺火處偷竊仰以捉勘罪仍不得的攔本主收斂財物候救滅即都巡檢等搜檢救火當直軍人及水行人等如搜捉下財物犯人即送開封府依今條施行別處捉獲及因事彰露本地分人員所由並當嚴斷巡檢並軍巡使亦重行朝典十四日增遣軍王都虞候各一員巡轄新城裏望火兵士五年正月詔新城外置九廂每五百戶以上置所由四人街子三人行官四人廂典一名五百戶以下置所由三人街子二人行官四人廂典一名內都所由於軍巡差虞候充其餘並招所由新舊城裏八廂左軍第一廂管二十坊人戶約八千九百五十戶元街子所由行

官書手廂典共三十二人今減八人差廂典書手都所
由各一人所由五人街子二人行官十四人第二廂管
十六坊人戶約萬五千九百戶元共三十四人今減八
人定廂典書手都所由各一人所由五人街子四人行
官十四人城南左軍廂管七坊人戶約八千二百戶元
共二十人今減四人定廂典書手都所由各一人所由
二人街子二人行官九人城東三軍廂管九坊人戶約
二萬六千八百戶元共二十九人今減十人定廂典書
手都所由各一人所由四人街子四人行官八人城北
左軍廂管九坊人戶約四千戶元共二十六人今減十
人定廂典書手都所由各一人所由三人街子三人行官

七人右軍第一廂管八坊人戶約七千戶元共二十一
人今減九人定廂典書手都所由各一人所由二人街
子二人行官六人第二廂管南坊人戶約七百戶元共
九人今減三人定廂典書手都所由各一人所由三人
街子一人行官二人城南右軍廂管十三坊人戶約九
千八百戶元共二十四人今減九人定廂典書手都所
由各一人所由三人街子六人行官八人城西右軍廂
管二十六坊人戶約八千五百戶元共三十一人今減
六人定廂典書手都所由各一人所由五人街子六人
行官十一人城北右軍廂管十一坊人戶都所七千九
百戶元共二十八人今減十五人定廂典書手都所由

各一人所由二人街子二人行官六人仁宗天聖二年正月詔自今諸處遺火如救火兵士諸色水行人等於救火處偷取財物其巡檢人員當面捉下勘逐不虛元捉人今開封府候斷遣賊人訖具職次姓名并賊人所偷贓物估直錢數以聞當議於開封府贓罰錢內量與支賜如獲偷物數多者亦別與酬獎諸色人告捉獲亦比類申奏三年三月詔新舊城裏外左右廂巡檢自今逐處所差巡檢人員節給兵士等逐月嚴切曉示每收領公事並須分明依實寫定元犯因依申送投事指揮使員僚等收到公事更切審問罪人元犯事狀申送不得輒更虛妄添減罪狀及所領罪人除是賊盜拒捍及

亮惡人不伏收領外其餘雜犯罪人並不得非理毆打
乞覓錢物四年三月詔開封府勘得親從兵士裴達御
輦院即級唐政百姓丁遂田從等各詐作後殿巡察親
事官并火下恐喝倉場所專典及官員僧道客旅金銀
錢物已斷達政處死遂從決配沙門島遇赦不還宜令
開封府每季一度出榜曉示在京倉場庫務自今有犯
罪未發并無罪之人如有稱巡察公事恐喝却錢物許
盡時經官陳首及收捉元犯入勘罪嚴斷更不根勘被
恐喝人因依情罪並特放免如不陳首因事彰露或察
訪得知其被恐喝人一例依法施行八年七月詔殿前
司馬步軍司自今差在地方分巡檢禁軍將領到諸般

公事取受錢物私放却罪人斷遣後十將節級勤充
長行上名長行移配近下軍巡十一月詔近日頻有遺
火雖累降條約尚慮不切防慎今南郊俯通宜令開封
府指揮諸宮觀寺院及裏外諸廂巡檢人員等常切提
舉不管疎遺如違並當極斷經赦不原十二月詔京城
諸廂虞候非次為事故及逃亡者令三司衙門開封府
依例權差人管勾具因依姓名申樞密院明道二年八
月十三日殿中侍御史張奎言開封府日生公事多依
事頭決斷欲乞在京裏外左右廂各添置授事判官一
員詔令翰林學士盛度馮元樞密直學士張若谷王駿
於在京或側近各舉一員聞奏

熙寧盛度寧元年十二

月九日詔新舊城裏都巡檢諸處巡鋪圖二面如有可
省罷分明簽貼進入乃減罷八十六鋪計五百四十六
人先是京城巡鋪所占禁軍人數甚多步軍兵士尤衆
不得番休故量行裁省其鋪分遠近不均者委巡檢使
移那馬十年正月十三日詔諸巡捕人不覺察本地分
內有停藏透漏貨易私茶鹽香礬銅錫鉛被佗人告捕
獲者量予區分本犯人罪至徒杖八十至流杖一百同
保知情杖六十不知情并保長不覺察者各不坐徽
宗政和六年三月二十九日開封尹王革上江和營繕
軍鋪錄序 其文曰政和六年春某月甲子開封尹臣
革奏事殿中建言臣所部都城四廂無慮若干坊坊有

微巡卒合若干人數嘗築廬以居歲久廬壞或廢徙亡
失無以庇風雨禦寒暑卒皆僑寄它處往往託民籬下
私賈販以自營訟者莫知所愬盜賊益玩施無忌憚甚
不稱詔令願下將作以時繕完臣昧死以聞皇帝曰嘻
弊有甚於此者邪願將作役多力弗能專汝言可績甚
為朕典司之因出御府錢二萬緡下開封府如章臣既
承詔鳩功揆材相方視址均遠近視要害有遷有仍或
因或革作以某月之甲子成於某月之甲子若干區基
布星列縱見橫出股引鉤聯聲通氣接都人聚觀愕怡
踴躍舊舍甲乙之次雜取旁近官寺若佛老之居以為
題號久或遷易浸失本真因一切削去訛舛冠以坊名

具綆勺儲水器暑以燎暘火以濡焚書之于籍轉相付授月校季考稽比以時有可以資備預者無弗飭也先時無賴之民喜以詈訟自賢小睚眦即生廬下并原良而就拘閭里重愧謝或賄守者廼得釋習以為常長老苦之上謂臣革曰訟之所聽吏也今公繫而私釋之其如政何命增其禁臣因以詔旨揭諸廬上他日爭者知繫之不可以苟釋也雖盛氣虛驕終相視而莫敢先訟愈益哀蓋京師者天子之所居四方之所會百官有司之所治也自唐虞三代以來所以拱衛而尊崇之咸所致嚴漢家衛士於周垣下為區廬說者謂區廬猶今之仗宿屋班固因夸言之曰周廬千列微道綺錯此雖其

宮中之制然以內外推之宜略相準明雖吾太平極盛之
世可使輦轂制度有所缺而弗講歟昔者周人考牧雖
薪蒸簞笠微末細碎咸所記錄固或遺漏君子之於政
事凡可以為法者不厭其謹且詳也今幸賴陛下至仁
加惠誰何之卒使得聚廬而託處臣謹緣聖恩哀次前
後所被詔令與夫所費之要凡器凡目廬之號名地之
阡陌輯而成書目曰政和重建軍鋪錄繕寫奏御以待
詔旨頒焉庶使來者知聖訓之所自時葺歲繕毋敢不
恭他日吏欲因緣為姦有所詆欺而按籍求之可以輒
得雖至於千萬年可也臣革謹序 高宗皇帝紹興二
年正月二十一日臣僚言錢塘州城內相去稍遠數有

盜賊又緣兵火之後流寓士民往往茅屋以居則火政尤當加嚴雖有左右廂巡檢二人法制闊略名存而已乞下樞密院委馬步軍司措置略倣京城內外微巡之法就錢塘城內分為四廂每廂各置巡檢一人權差以次軍都指揮使有材能者充每廂量地步遠近置鋪若干每一鋪差禁軍長行六名夜擊鼓以應更漏使聲相聞仍略備防火器物每兩鋪差節級一名每十名差軍員一名皆總之於巡檢遇有收領公事解送臨安府仍日具平安申馬步軍司本地分有盜賊則巡檢而下皆坐罪如在京法從之二十六日殿前馬步軍司言左右廂巡乞與臨安府都監司同共量度攤撥定作一百二

鋪計差禁軍六百七十三人內軍員一十人丁將卽級
五十一人長行六百一十二人充巡防契勘係將在京
住營軍兵三司分定差撥今來三司見管軍兵共係畸
零逐司亦當准備緩急使喚切見臨安府卽今見有將
兵約二千人不隸將兵一千人欲將今來合差軍兵以
十分為率五分令三司分差每月一替餘五分令臨安
府管認應副差撥從之四月二十二日主管侍衛步軍
司公事遙順言久來東京馬步軍司管軍內馬軍司兼
舊城裏都巡檢步軍司兼新城裏都巡檢近臨安府略
倣京城設置鋪分及差置新城裏六巡檢昨緣順主管
兩司公事兼都巡檢提舉巡警今來已差蘭整主管馬

軍司所有兼都巡檢職事欲乞依舊例與馬軍司官分隸新舊城主管詔令馬步軍司分左右廂巡警照管

七月一日臣僚言侍衛馬步軍司管軍在京分新舊城裏都巡檢新城裏係步軍司舊城裏係馬軍司遇出巡提舉逐地分軍巡人及鈴東望火人兵如有民間盜竊逐地分軍巡人等收捉一面申解開封府依法施行自來條例不曾干預管軍今來行在分左右廂巡檢徽徽在京承差到緝捕使臣二人軍兵二十人充小火下不唯無補於事切緣在京不曾差破詔左右廂都巡檢差破緝捕使臣軍兵並罷發遣歸所屬二十二年十月十八日知臨安府趙士琛言本府所管地分闊遠元降指

揮雖置一百一十五鋪委是鋪分稀少闕人巡警今欲
更增置三十五鋪量地里繁慢分布置五作一百五十
鋪應副寅夜巡警盜賊所有合添兵級乞於行在殿前
馬步三司軍兵內與本府相度差撥從之 紹興三十
二年孝宗己卯位未改元六月二十七日詔臨安府保
甲夜巡可權罷其軍巡人所屬常切差撥數足本府除
兵官巡邏外仍仰多差使臣撞點孝宗乾道元年三月
二十八日權發遣臨安府薛良朋言本府與三衛所差
軍巡人數分定本府地界每月均攤鋪分逐鋪止差一
處軍兵不得依前混雜仍於逐司并本府每月各輪差
官統轄從之三年四月十九日知臨安府王炎言契勘

本府城外四廂去巡尉解遠應接不及欲乞差臨安府
城外四廂都巡檢使就城西置解宇將兵內撥三十人
兩月一替量行添支食錢專一往來提督城外巡尉措
置警捕從之同日王炎言契勘本府軍巡覺察警捕元
降指揮殿前馬步三司及本府三將差撥每月輪替今
所差軍巡內有累月不換緣熟知街巷往往作過節次
祇獲甚多今欲乞下殿前馬步三司遇差軍巡令都轄
人結罪保明有行止家累之人月終盡數替換不得再
差從之二十七日王炎言契勘本府城外四廂地分廣
闊已差都巡檢使奉旨令更行添置今於城東添置一
員以臨安府城東廂都巡檢使為名分管地分於本府

三將內各差三十人許帶隨身器仗巡警兩月一替從
之七年正月二日臨安府言契勘本府城內外地里闊
遠置立巡鋪二百三十二處每鋪差軍兵四人押鋪一
名共差軍巡一千一百五十五人依元降指揮令三衛
同本府差撥三衛人常是不足兼多不守行止本府見
管新招禁軍三千人欲椿二千人教閱外每月選擇有
家累行止一千人輪差與本府所管軍兵地分巡邏庶
可餘東從之九年九月十六日詔臨安府城內外軍巡
可依舊差殿前馬步舊司人與臨安府將兵同共巡邏
以上乾道會要淳熙七年二月七日詔臨安府城南廂
官朱保北廂官劉唐暨並放罷令臨安府將冒役及受

財人依條施行其公吏斟量存留外餘人並腰廂並日
下廢罷以臣僚言臨安府南廂散從官家人等近百
輩北廂亦不下六七十人其間多市井惡少亦有累經
斷勒人吏取受各有定數又私置腰廂兩所廂典手十
餘人應公事必先至腰廂關不即申解詔本府體究得
實而有是命八年十二月三日詔臨安府依三衙例
揀中軍兵內通融差撥諸鋪軍巡一月一替不妨教閱
從守臣王佐請也九年四月十三日詔三衙差到軍兵
同臨安府將兵探拈地分軍巡一季一替從守臣王佐
請也十年十二月四日詔臨安府添置兵官一員以
本府言在城八廂惟左一地分散關所管四十鋪內一

十五鋪坐占山嶺比之諸廂地分最為遙遠兵官巡警力不能周深慮隱匿姦盜乞添置一兵官令左一南廂左一北廂分認地分送部勘當而從之以上孝宗會要紹熙二年六月二十八日臨安府言據城東諸巡檢使高琮申外沙巡檢使沿江止二十五鋪各軍兵五司地分闊遠戶口繁多足力不及今乞於塘勝匯馬婆巷兩處地分各增置一鋪從之以上光宗會要嘉定十年十一月二十八日臣僚言近者都城內外有白晝攫人飲食者有掠去婦女釵釵者又有暮夜於衢巷剝人衣裳劫奪財物至毆傷者聽聞駭異動搖人心非所以示四方而戢姦宄也乞下臨安府於曲巷小徑更添置廂鋪

燈火仍嚴督巡邏竄逸者必明立賞罰限日追捕庶幾
京城肅靜從之 十一年正月六日楚州言城外舊有
西北兩廂官靖康胡騎蹂踐俱廢紹興復置逆亮犯淮
兩廂官及教授山陽簿俱不置至淳熙二年始復教官
山陽簿如城北廂官則以北神監鎮兼領若城西廂官
則因循不復緣其地接連諸湖向來湖海之叛羣小已
並緣劫掠今雖無他不可以全無警邏合復置城西廂
官一員容本州路遂經任有材力人選辟一次從之

宋會要

高宗建炎元年六月十七日樞密院言河北河東京東西京畿要害控扼及附近去處每縣各添差武臣縣尉本縣指使各一員招置土著有家產戶籍人充弓手以五百人為額縣大民衆調度有餘者更許增置不得過一千人並知縣兼領內訟違知縣仍差武臣詔弓手五百人神臂弓一百人上等二十人各兩石八斗中等二十人各兩石六斗下等六十人各兩石四斗短椿神臂弓一百人上等二十人各三石四斗以上中等二十人各三石二斗以上下等六十人各三石以上弓箭手三百人上等六十人各一石一斗以上或馬射九斗中等

六十人各一石以斗或馬射八斗下等一百八十人各
九斗以上或馬射七斗以上並兼習長槍袖棍於內隨
宜差兼牌手以充蔽捍每州四縣以上置準備將領一
員部將一員總領每旬遍諸縣教習遇統弓手人馬出
入依將法不及四縣令帥司措置以隣近縣分兼隸雖
不及四縣而人數及二千人者依四縣法更不兼附近
別縣弓手三等月給每人米一石食錢上等二貫五百
文中等二貫文下等一貫五伯文每五百人置都頭二
人總轄十將五人分管一百人左將虞候五人右虞候
五人左承局五人右承局五人左右將虞候承局每人
分管二十五人押官五人分管一百人差發事管轄人

有關先取有功人差填如無有功人於武藝內試高強
人充長行填下名押官至都頭並次第升填若獲賊頭
依大教法每一級轉一資若都頭獲級本州保明量功
賞輕重更不理年限特與出官如射得兩石五斗以上
弓上等神臂弓一百二十步短橋上等神臂弓一百步
箭六隻皆上垛三中帖押解赴帥司保明解赴闕再試
換承信郎弓手教教頭無公私過犯馬軍滿五年步人
滿七年並換進武校尉如招置教足委是土著人戶武
藝及格州縣應副錢糧足備本路帥司保明聞奏特優
與推賞 同日詔江淮兩浙路招置弓手一切體格並
依河北河東京畿等路已降指揮疾速催行大縣以三

百人小縣以二百人為額小縣更不添置指使餘依已
降指揮施行 十二日臣僚言乞諸郡縣招置弓手依
雄州歸信容城縣法以有物力人充每縣置武尉一員
七月十四日詔創置弓手差武臣縣尉一員專一總
領不得預縣中差使 十五日江南東西路經制使翁
彥國言禁軍闕額錢望下諸路湏管據闕額錢依條椿
簇雖無舊積自此月有所入歲有所積可以速入應副
增置弓手糜費詔以應免役寬剩錢并廂禁軍闕額錢
五色田租課錢裁減曹掾官錢胥吏散從官手力雇錢
充增置弓手 十一月十二日知光州任詩言今來招
置弓手係訓習武藝以備使喚之人如州縣官司輒役

使並從私役禁軍法所置弓手如輒非理喫酒賭博錢物欲依禁軍法所置弓手合用神臂弓短椿弩袖棍槍牌之類并衣甲等除神臂弓短椿弩欲令屬縣計置材料赴州作院製造給降外有袖棍槍牌衣甲等令逐州降樣下縣置造應副行使弓手排補遷轉本轄人及當禁人吏乞覓錢物並從賊法其弓手輒敢無故下村以捕賊為名搔擾人戶乞覓錢物欲並依強乞取法如聚衆作鬧扇搖人戶情理巨蠹者依軍法令逐縣置弓手每遇將領教習若不立定激賞則無以為勸欲取其武藝高強人每名欲支一兩銀梳一隻小縣不得過兩隻大縣不得過三隻其次事藝高強者支半兩銀標子

一片小縣不得過二十片大縣不過三十片乞每月一次支給仍每上下半年委本州通判同將領詣縣按閱例物依大教法已降指揮招五百人續降指揮招三百人或二百人竊詳法意謂恐錢糧不足民戶騷然淮南控扼要害處人戶若有願召募五百人備禦盜賊者欲特降指揮如錢糧有餘小縣所召募人不得過五百人大縣不得過一千人行下賤得州縣緩急可以守禦詔徙之二十五日臣僚言添置弓手立法不可不行於福建大縣止添三百人中縣二百五十人下縣二百人且如建州七縣并舊額弓手可得二千餘人訓練有方統領得人豈復有盜賊之虞以京東西等處添置弓手

法付與新除福建路運判謝如意令至本州同提刑司
措置勘會福建路除建州邵武軍南劍州汀州及管
下諸州已降指揮添置到外詔本路未措置去處已降
指揮將免役寬剩錢并廂禁軍闕額錢五色田租課錢
裁減曹祿官錢胥吏散從官手力雇錢計可以贍養之
數招置并從之 十二月三十日廣南西路經畧安撫
司言本路邊面比之他路最為濶遠雖額管東南兩將
及諸州不係將軍兵人數即目例皆額闕一半及朝廷
添差來荆湖南北江東西等軍兵在本路出成分布沿
邊州軍防拓其間大半逃亡死損止十有三四人乞依
京畿等路招置弓手望下本路同共提刑司將元降畫

一參酌以土俗人情相度措置招置取旨施行詔依仍
令廣南東路仰本路經畧安撫司相度如可以招置亦
依此施行 二年五月二十七日臣僚言湖南北路本
荆楚之地人素勇悍可用欲乞並令招置弓手推行新
法將領巡歷諸縣按試其縣尉即不將帶弓手前路迎
送自今指揮下白戶絕逃田屋業並係籍拘收專應副
弓手錢糧等支用其有願給田產不請官中月給錢糧
者每名聽給田三十畝願養及格馬者增給二十畝官
戶役錢舊法比民戶減半今來招置弓手以禦暴防患
與其他徭役不同官戶所賴尤重欲令官戶役錢更不
減而民戶比舊役錢量增三分專椿管以助養給弓手

分為三等下等月給錢一貫五百文初役民人只支下等錢日計得錢五十文省故投名者少乞每名添支錢一貫五百廢易招集仍可責辦所習兵器所用衣甲雖有定制如遠方土俗各有所宜許將領官詳度按試可以便於戰鬪者權宜施行仍具奏聞所差將領等官並以三年為任如得其人不許移易勞效昭著即就任加秩褒賞朝廷有指會會合並令本路本縣官統領自為隊伍不許分隸別將廢幾上下相安同心協力可濟事功詔逃田以有指揮外其給田以水陸色額不均今逐路提刑司相度聞奏月給錢每等遞增五百文餘並從之

八月十一日詔新額招置弓手令逐路提刑按察

仍具訓練招置次第申尚書省從兵部尚書盧益請也

九月九日尚書省言諸路弓手土兵多是監司州縣非緣巡捕盜賊輒行差占致妨教習及有追呼勞費緩急有誤差使詔今後除依條合差數外若不因巡捕盜賊即不得勾抽差占如遇會合並令巡尉部領前去仍不許畸零抽差如違仰逐路帥臣按劾聞奏重寘典憲

十三日兩浙西路安撫司言招置弓手每州四縣以上置準備將領部將各一員教習統弓手人馬出入依將法不及四縣令帥司措置以鄰近縣分兼隸今來杭州已有七縣更令兼隸嚴州桐廬縣即計八縣地里南北大段遙遠望更置準備將領部將各一員將兩州八

縣分隸教習所貴每旬可以遍詣緩急聽領出入不致
悞事詔更添置準備將領部將各一員其諸路若一州
係八縣或不及八縣以隣近縣分合兼隸及八縣以上
並依此添置 十二月五日太平州言諸州增募弓兵
應募人若非特免身丁量減科率則願投者少詔令尚
書省立法今擬修新置弓手聽免本身身丁役從之 三
年正月二十五日臣僚言添置弓手州縣但欲招募教
足往往半是小兒或老病者每至州官李點監司巡按
則以私身替名上教僅同兒戲望委鄰州通判遍詣逐
縣子緬揀選如有老弱不能披帶之人即時放罷別行
召募已揀中者即於左手背上刺揀中弓手四小字為

號將已揀中者本縣置籍兩扇籍定鄉貫姓名年甲入
月日所習事藝同所委官繫衙印押訖一本送本路安
撫司一本留知縣廳收掌遇開收躬親對簿銷鑒每月
具人數姓名申安撫司照會揭貼訪新置弓手遇教習
輒令人代及代之者各杖一百管轄人容縱與同罪失
覺察杖六十餘並從之 二月十八日知明州沈晦言
新募弓手欲逐州專委郡守覈實教閱去其流寓汰其
怯弱限半年補足從之 六月九日樞密院言添置弓
手多與舊置弓手不務協和却分彼我若有緩急必致
悞事詔將京畿諸路添置武臣縣尉將領等官依舊通
行總領部轄添置縣尉亦與舊置縣尉通管職事仍令

逐路通判遍詣所管縣分將年老弱不堪使喚弓手便
行揀放今後即不得將不堪使喚之人亂行招填闕額
枉費錢糧其未盡事理仍令京畿提刑司逐路安撫鈐
轄司將新舊弓手條約續降指揮子細參酌條具經久
可行事狀聞奏 十九日朝請大夫王梅言諸州新募
弓手請受差使不同事多抵牾緣行之累年難遽廢罷
乞下逐路提刑司令逐州知通外縣即令佐公共揀選
其老弱疾病事藝生疎之人量行揀放三分之一更不
招補仍不得却將彊壯之人妄有減放如有冒濫許令
越訴其未及元額去處更不補填從之 八月六日知
樞密院事御營副使宣撫處置使張浚言舊置弓手請

給止有在錢無米其新置弓手各有錢米今既令新置
弓手撥併與舊弓手一處衣同差使望將諸路新招弓
手請給並依舊弓手則例支破施行從之 閏八月二
十三日兩浙路提點刑獄公事王翺言兩浙東西路新
舊弓手以七十縣言之約計大小縣除各留百人外可
起二萬餘人昨自王梅申其老弱疾病事藝生疎之人
請乞減三分之一人每縣大不過三百人小不過二百人
通起土兵共約可起一萬五千餘人若使防秋緩急以
當一路差委使統制官得人精銳驍勇不在五軍之下
欲乞浙西令平江府憲臣差撥浙東令本司差撥仍乞
各差曾經出戰大小使臣不以有無違礙抽差充統制

官遇有防秋緩急即行起發詔依常切訓練聽候勾抽
使喚 十月初一日臣僚言吉州所管八縣新置弓手
見今所管八百餘人依近降指揮揀放三分之一見存
不過五六百人而武尉指使八縣共一十六員將領部
將四員以五百人之弓手而部轄官二十員當直差使
尚自不足教閱事藝何暇及之乞少加裁減詔部轄官
減半其餘州縣準此 二十一日知湖州張虞卿言湖
州路蕪水陸管下長興縣四安鎮最係水陸衝要乞添
置武尉一員選曾經戰陣材武人差充依舊法置弓手
一百二十人就四安鎮專一控扼水陸盜賊仍不許諸
處抽差從之 四年正月二十四日樞密院言江南東

路提刑司申本路州軍多有直差外縣巡尉入城防拓
應管弓兵盡數帶行以致居民未嘗安業羣小乘隙作
過令佐往往棄城逃避倉庫官物為之一空乞重立法
禁戒逐州不得妄起屬縣弓兵所貴可以禁戢姦盜慰
安細民詔如遇本州差撥不得過一半 十月一日樞
密院言朔置弓手添差使臣本以禦寇訪聞過往官吏
例於所屬出給文牒於沿路巡尉差弓兵以防護為名
差使頻併多致逃亡詔令諸路提刑司出榜嚴行約束
如有違犯之人密具職位姓名申樞密院取旨重作施
行 十一月五日廣南東路提刑司言南雄州保昌縣
元額添招弓手二百人始興縣一百人各置武臣縣尉

一員後准朝旨減三分之一保昌縣見管三十六人始興縣一十二人今來南雄州係當二廣之衝常有虔南信豐等處賊徒作過已申乞存留兩縣武尉一面招填見闕弓手以備使喚其詔連州抵湖南路潮循梅封州接近福建廣西等路各是控扼去處亦合依南雄州路存留武尉及招填見闕弓手詔依其揀放三分之一闕額處更不補填指揮更不施行 十六日詔諸路舊置弓手節級立功轉資與比附新置弓手押官名目上轉行 二十八日江南東路提點刑獄司言諸縣新添置弓手乞置將領部將各一員饒州南康軍將領部將各一員撫州建昌軍將領部將各一員池州太平州將領

部將各一員宣州廣德軍將領部將各一員從之 紹
興元年十月十六日福建路轉運判官魯唐言諸州申
明或乞罷武尉或乞罷指使或乞罷先到人或乞候軍
期事畢日減罷顯屬迂延虛費廩祿乞明降指揮應州
縣新置弓手及六十人以上即存留武尉減罷指使若
不滿六十人即減罷武尉存留指使一州通及五百人
即存留將領如不滿五百人將領部將並減罷庶幾州
縣有所遵守詔依內見任合減罷人候任滿日更不差
人 四年正月二十四日尚書省言諸路州縣新置弓
手見一等支破雇錢擬諸處陳請新弓手多有不堪使
喚之人乞行廢併并舊弓手乞減支雇錢添破糧米錢

塘縣舊弓手減三分之一雇錢并新弓手並罷每人却
添米七斗五升又慮諸州縣人數多寡不一欲令提刑
司依做錢塘縣支破新弓手減罷雇錢等各據減下錢
數先會計支舊弓手雇錢及收糶舊弓手米外將餘錢
於內量行椿留准備向去米價增長貽助收糶所有其
餘剩錢仰紐計合贍養人數額外增置仍將迺州縣數
目逐一開具限十日申樞密院詔並依內新弓手撥併
揀廢限十日施行了當其所支米斛以今來指揮到日
月分限次月為始支給先是江南東路提點刑獄公事
立新弓手員額後來朝廷見於事無補處新弓手不
滿六十人處已降罷武尉指揮契勘弓手舊法係第
三等以上故唯日支食錢一百今來米穀人戶即是弓
責委是供給衣食不給則必取足於鄉村人戶即是弓

手員數之多但見操獲之害過於緝捕之利也今乞以
新舊弓手合為一營並隸於舊尉其懦弱者先以
棟退內實有材武堪任捕盜者權聽於舊額外存留俟
舊額足日後依舊可以與月給過錢添支銀米使其衣食
以免受受操獲詔令兵部勘當申尚書省至是上言民
得

四月二十八日吏部言已降指揮弓手准備將領欲依
舊存留令每季遍詣諸縣教閱務要武藝精熟其武尉
指使可以廢罷本部即未審今來指揮係止為將諸路
州軍新置弓手及五百人去處見任將領依舊存留惟
復將應干州軍元置窠闕弓手不及五百人去處一例
存留將領詔諸州軍並領依舊差置弓手准備將領一
員 十月二十二日樞密院言諸路州郡差置將領巡
尉總領教閱弓手以防寇盜訪聞州縣止是縣官使令

般挈骨肉防護逃避緩急全不為用詔令諸州弓手准
備將領所管縣尉如敢更似日前私有役使及借情差
占并般挈骨肉防護逃避之類並仰提刑按劾聞奏
五年正月十六日詔諸路州軍弓手選人材少壯以十
分為率取五分專一教習弓弩手內弓八斗以上弩二
石七斗以並須施放精熟每旬委守臣按視量與支賜
令逐州選差兵官同巡尉措置教習委逐路提刑司歲
終比較精粗保明聞奏其當職官依旨陞擢如弛慢不
職重行黜責 二十六日知湖州陳興義言教閱弓手
弓弩除烏程歸安縣係倚郭外其餘長興等四縣各係
外縣及湖秀營界等五處巡檢係在鄉村駐劄即不在

州縣城郭窳虞難令兵官出城教習欲將弓手就委六縣尉每旬知縣按視每月令本州弓手准備將領遍詣諸縣教閱土兵就委巡檢每月就本縣差官一員前去按視仍每季發遣赴州委守臣按拍量與支賜詔依其餘州縣依此仰諸路安撫提刑司常切檢察施行如有違慢去處按劾聞奏 四月一日兩浙東路安撫司言紹興府嵯縣弓手每季起發赴府按拍不唯緩急之際本縣閩人防托緣往來道路裹費極重乞與免發赴府從本府每季差官下縣按拍照依通判季點日一就按迫施行餘依已降指揮諸路逐縣依此 二十一日江南西路提點刑獄司言本路有兩員縣尉去處謂如建

昌軍南豐縣兩尉廨宇相去縣郭八十里若每旬令知縣前去按視竊恐經日在外妨廢縣事或令縣尉遇按視將帶弓級前來赴縣亦慮往復有妨教閱今欲比附巡檢例就縣尉逐日教閱准備將領每月前去按視所貴各不致妨廢職事詔令本縣每月委官前去按視餘路若有似此去處依此施行五月三日知和州皇甫彥言團結到弓兵雖合守臣使喚竊慮緩急難以統率乞聽守臣節制從之十二年七月五日詔諸州軍添置諸縣教閱弓手准備將領自今後並差大使臣年五十以下應材武親民資序無贓罪及私罪重有舉主二員人充諸路安撫司辟差准備將領准此其日前已差

下小使臣充逐件寨關未赴任之人依省罷法已列任人且令終滿今任十五年閏十一月十二日夔州路提刑兼提舉常平司王利用言本路諸州屬縣昨緣軍興之際添置弓手其數頗多今軍事寧息理合減損數內夔州係四州會口并其餘沿邊去處難以裁減外有恭涪忠萬開達州梁山軍大寧監皆係近裏欲將上件八州軍舊管并添置弓手一千五十五人數內隨縣分大小量減三分之一從之二十年十一月十七日臣僚言諸路州軍諸縣教閱弓手准備將領昨緣軍興一時添置今既寧息兼所管弓手自有本路憲司并巡尉教閱別無所掌職事乞罷上件寨關詔依未赴人依省

罷法見任人令終滿令任 二十八年正月十四日臣
僚言乞行下汾淮郡縣條具弓兵舊例及見管人數斟
量多寡權立新額措置招募閱習巡捕不得私占差使
違者重寘以法戶部契勘楚州山陽寶應鹽城縣尉盱
眙軍天長盱眙縣尉弓手見闕人數不多不須裁減合
依舊存留外有其餘去處巡尉弓兵人數欲權行減半
立為新額應寘闕人數督責州軍招填以脩巡捕盜賊
使喚從之 二十九日六月十一日詔每州於兵官內
選差有材武人一員兼諸縣弓手將領逐季下縣點檢
教閱從臣僚請也 三十二年閏二月二十八日江西
安撫轉運提點刑獄提舉常平茶鹽公事司言洪州進

賢縣所管縣界路當衝要地里濶遠賊盜竊發金籍所
管弓手衆共協力緝捕緣尉司止額管弓手五十名比
之其他縣分数目極窄乞添置弓手三十名其合支雇
食錢乞於人戶常平每稅錢一百文只增數役錢一十
四文一分一釐支給充雇食錢戶部勘當欲依所乞從
之

紹興三十二年七月二十七日

孝宗即位未改元

詔令浙

東江東西湖南福建路各添招弓手五分除依本處支
破錢米則例外先次立定初應募日支給募錢五貫文
孝宗乾道四年八月二日尚書省言諸路州縣比因
水旱之後多有盜賊嘯聚欲令諸路帥臣審察巡尉昏
繆不職者亟加奏罷仍仰撫恤弓手請受按月支給關

額者速招募數足常切教閱若捕盜有旁之人合得功
賞催促保明從之 五年五月十三日權發遣處州軍
州事范成大進對奏弓手之制弊壞大縣額管百人姑
以十分為率其闕額不補者常二分差出借事者亦二
分縣中過數占留與縣尉干預民事承引追呼者又二
分此三色者固已占破六十餘人寔在尉司者四十人
而已又有小吏閭人院子市買之屬亦不下十數人寔
計真為弓手者總二十人而已僅足以充縣尉當直肩
輿之役徃徃全無椿充教閱緝捕之教欲望先委諸路
提刑官徧行屬州汰減老弱隨闕招填依今來訓練將
兵之制分定弓弩槍牌諸色技藝具名注籍逐州委鈐

轄或路分一員每季下縣教閱做禁軍賞格隨宜激賜
略以軍法檢校如此則州縣之勢稍壯上曰卿理會此
極切事情十五日詔逐路提刑司將本路州軍弓手
土軍關額湏當日下招填數足諸縣分番差撥貼司充
巡尉虞候廳字巡尉只許乘馬不得以土兵弓手負轎
合支雇錢按月支給無致拖欠不得以虛名積欠勒令
承認有誤支給所製造弓弩刀甲仍於逐州軍所得係
省窠名錢內那融脩置如有違戾去處即按劾施行使
部侍郎薛良朋言巡檢之土軍縣尉之弓兵州縣窠於
財賦內有虞候廳字負轎者止有五十人日以減少不復
逐路提點刑獄於所部州縣供具舊額開坐開額各若
干人就將闕數立限下州縣湏管招募填足弓手合支
常平錢米仰於見官教按月支付巡尉只許乘騎不得

五人見括閩額人及修置了奴力印等

以上軍弓手員轡令本州印缺官錢置造弓弩刀甲
日逐教閱每季提點刑獄巡行按試故有是詔
二月八日知臨安府周淙言本府諸縣額管土軍一千
三百六十六人閩四百五十五人弓手七百八十二人
閩四十人熟外所有諸路州縣望委守臣依此之六年

三月二十八日知臨安府姚憲言巡尉所管弓手土軍
本為巡捕盜賊往往多被占破他役以致捕盜之時人
力不勝欲將本府管下土軍弓手令逐處巡尉盡行拘
收歸寨從本府添置軍器常切教閱專一巡捕私盜賊
盜不得他役本府不時差官遍詣點檢按閱如有占破
他役去處及教閱怠惰從本府按劾施行從之五月
四日詔令諸路提刑司行下所部州縣遵依已降指揮

將予手精加教閱每歲躬親前去點檢拍試具有無事

藝陞進退墮置籍中樞密院以起居舍人范成大疏近

手捕提私盜勢力不敢為所殺傷正以予軍弱尉司失

如此伏見諸州禁軍占役偷惰之弊陞下令以姓名事

藝注籍于郡前不測於逐州點檢一二十人不到行在核

實錄此州郡皇恐奉永緝不敢占留雜役及不取一日

不名及所執事藝斗力細數上之於兵部或樞密院依

姓名及所執事藝斗力細數上之於兵部或樞密院依

籍量擇一二十縣每縣點檢數名赴兵部或樞密院依

籍核試以其殿最虛實將教閱官及縣尉重作賞罰其

廢格故有是命一季中發令兵部專一拘催毋令違還

七年二月二日帶御器械王明言得旨前去江南西路

諸州軍點檢土兵予手其能予弩武藝者十無二三處

尉往往不曉軍旅竊見諸州軍多有軍中揀汰之人每

處添差一員專一訓練以上分為率五分習弩三分習

弓二分習槍棟汰老弱招收彊壯填闕詔依土兵令逐
路安撫司弓手令逐路提刑司將見今闕額行下逐州
限日近招填數足添差訓練官請給按月批勘不管拖
積二十八日兩浙西路兵馬鈐轄張荐言得旨點檢
臨安府土軍弓手棟到彊壯第一第二等及老弱病疾
五等單名年甲外照得土軍外沙等一十三巡檢司額
管一千三百六十六人見管一千六十四人見闕三百
二人弓手錢塘等九縣尉司額管七百八十二人見管
七百三十九人見闕四十三人詔令臨安府守臣將老
弱病患人限一季盡行抵換少壯及等堪披帶之人毋
致依前違戾具已抵換人數姓名申樞密院差官覈寔

見闕人額疾速招填務要日近數足仍責令教習弓弩
事藝諸路州軍依此施行 六月八日宰執進呈劉源
點檢到湖南弓手土兵上覽其數曰他日亦足以助大
軍聲勢其怯小老弱者令州郡招人抵換虞允文奏曰
湖南有可招之人乞限以季一梁克家奏曰須令各路
依將兵例分番教閱既得事藝精熟他日調發亦不駭
也上曰甚好 七月十九日宰執進呈帶御器械統轄
訓練土軍弓手王明等具到浙東西土兵弓手數上曰
兩路有萬餘人莫可起發教閱否虞允文奏亦可依將
兵體例發赴行在教閱上曰請給如何允文奏須朝廷
應副且土軍弓手所請甚微此間支口食錢米則本身

請受可留以贍其家亦可依將兵一般支給庶無彼此
厚薄之嫌上曰然可令分作兩番起發將每歲更番抑
半年予梁克家奏歲更番上曰可悉依將兵例施行

二十三日權發遣隆興府龔茂良言本路諸州軍土兵
五十五寨見管五千四百人除強壯外老弱疾病一千
四十四人差出及緣公事三十一人弓手六十一尉見
管四千四百九十三人除強壯外老弱疾病七百五十
二人差出及緣公事六十人詔令江西安撫司行下所
部州軍將老弱疾病人揀汰如各人本家有子弟却行
招收如無限一季召募填闕二十四日宰執進呈王
明乞令州縣按月支土兵弓手請給虞允文等因奏兩

浙諸州弓兵有旨作兩番起發州縣借請之類所費甚
多忠銳軍將兵舊分三番今亦乞作三番上曰卿等契
勘所費幾何特與支降止令作兩番起發教閱庶幾早
得精熟以備緩急之用十一月十二日帝御器械統
轄訓練土軍弓手王明言得旨兩浙路揀中土軍弓手
分作兩番前來教閱一年一替今來見攢七十五隊計
四千五百餘人每隊合用造飯鐵葉鍋二口計一百五
十口望下有鐵去處支降應副令軍器所製造八年
二月八日統轄訓練兩浙土兵弓手宋端友言今具見
管土兵弓手內將帶到老小在寨居住土兵四十七人
弓手三十一人詔有家屬人與支雄威請給每人令左

藏南庫支犒設三貫續到家屬人申樞密院其舊請給
令逐州椿管別行召募補填十月二十四日宰執進
呈臨安府監官縣申本縣合發揀中弓手五十五人抵
替第一番人歸縣竊緣本縣瀕海早晚兩潮海船出沒
作過全藉弓手防托巡捕乞蠲免起發上曰監官人數
不多况又瀕海特免起發十一月八日樞密院言嚴
州申淳安縣揀中弓手方亮等在縣作過得旨令本州
依軍法施行本州未准指揮以前將方亮決脊杖二十
刺配南劍州牢城未曾上道更合申取明朝廷處分詔
方亮特貸命刺面配廣南遠惠州軍牢城收管九年
四月十三日樞密院言得旨發回兩浙路禁軍土軍弓

手乞令提刑司行下諸州軍見在人各籍定人數姓名
不得亂有差使窠占仍委巡尉並專一訓練教閱以脩
不測差官所去按閱如武藝精強不致退墮任滿即與
陞擢差遣若弛慢不職當職官並取旨重作施行從之

續會要弓兵

淳熙二年五月十一日福建提刑司言已降指揮令州
郡每月差官下縣拍試弓手土兵武藝其弓手居處各
附尉司可以趲赴若土軍營寨有至二三百里者往來
旬日妨廢教閱乞下諸路州軍每季差官拍試從之
十二年八月二十三日新權發遣南康軍葉箕言乞下
諸路州軍籍其所隸之縣弓手土軍之數各置器甲務

令具備以時教閱詔令諸路州軍以時措置毋致闕誤
如有違慢仰安撫提刑司覺察以聞 淳熙十六日三
月四日前湖北提刑馬大同言本路土曠人稀素多寇
盜又與蠻徭接境所資備禦者惟土兵弓手最為切近
蓋因州縣匱乏凡土兵合得衣糧常拖下數月不支以
此無人願充竊見辰州思微寨土兵衣糧未嘗仰給州
縣乃將刀弩手餘田撥付俾其徑自佃種以代衣糧之
用為今之計欲土兵之足額而有以自存謂宜視思微
寨已事之驗每招土兵一名給官田百畝亦足以充一
歲之用使之或耕或佃各從其便仍盡蠲其租稅得旨
令湖北諸司同逐州守臣相度申尚書省照得逐州多

稱管內田畝盡係民田別無係官荒閑田土今相度乞
行下逐州如日後管下諸寨近便去處遇有逃移戶絕
沒官田專一措置樁管不許撥充職田學糧及百姓請
佃即行召募有家累願管田之人充應土兵給付耕墾
從之 紹熙二年正月二十一日臣寮言竊見州縣之
有弓手所以徼巡一縣之盜賊預備不虞之患如汀劍
諸州與夫江之東西湖之南北民俗尤為輕悍捕緝之
責全籍弓兵比年以來教閱多廢其弊日起於雇錢之
不支且弓兵月顧係本縣役錢支給縣道窘乏遂致拖
欠動或數月未嘗支散既無以為皆給之費往往黃緣
差出搔擾鄉民教閱之事縣官亦不復留意深恐稍有

緩急難以倚仗乞下本州專一委任官計一歲雇錢之
從所委官拘催役錢按月支給具申本州庶免拖欠縣
道不許侵支移用而弓兵日給既有定期然後嚴之以
教閱程之以藝能汰其老弱禁其差出庶幾得以專習
武事禁止姦回從之 三月十六日臣察言竊見淮東
天長一縣弓級等只有八人密詢其故緣州郡恐支役
錢不肯招收乞依舊額招填取足詔淮東西提刑司行
下所屬州縣照依元額招填 十一月八日前知桂陽
軍徐開言土軍之在州縣去官司為最近一有緩急朝
令而夕至彈壓封境孰有急於此者夫兵之所仰者衣
食也而糧不按月衣不及時惟凍餒之是憂何以責其

死力乞行下諸路提刑司應土軍請給衣糧並就本州
軍及時支給若弓弩器械未備並支官錢修置每日教
閱無得占破如有闕額即招壯勇及等仗之人差注巡
檢窠闕必用有舉主係親民資序之人令吏部長貳精
加銓量方與注授從之 十二月二十四日詔逐路提
刑司嚴行約束巡尉不得徇私違法差借弓兵以知鄧州陳居
仁言諸州軍弓手土兵近來諸處率多差借同內地緩急
如淮南湖北弓手土軍管顧不多差借同內地緩急
事之聞豈不誤 三年八月十八日江西提刑鄭湜知贛
州趙彥操言贛州諸縣昨因寇難增創土軍後來安靜
已久而因仍不去今凡一十二寨所管一千一百餘人
歲費衣糧料錢二萬七千餘貫米二萬一千餘斛當時

失於申明科撥衣糧止是州縣那融支給緣州縣財賦
有限支遣之日土軍衣糧多不時得今諸寨未敢遽議
廢併蓋亦量度緊慢少損其數別立新額若見管人過
於新額姑與存留有闕不補苟不及新額續議招填如
此亦可以寬諸縣煎熬之憂而科罰之擾不足於百姓
衣糧之給無乏於土軍一舉而三獲其利今具元額及
欲立新額下項 賴縣磨刀巡檢寨元額一百人今欲
六十人為額興國衣錦巡檢寨元額一百人今欲六十
人為額贛州南安軍都巡檢寨元額二百人今欲一百
二十人為額安遠信豐龍南三縣巡檢寨元額一百人
今欲六十人為額寧都青唐巡檢寨元額一百人今欲

六十人為額寧都投殺寨元額七十人今欲四十人為
額寧都巡檢寨元額一百人今欲六十人為額寧都石
城雋都三縣巡檢寨元額一百二十人今欲七十人為
額會昌湘鄉巡檢寨元額一百人今欲六十人為額會
昌瑞金兩縣巡檢寨元額一百二十人今欲七十人為
額瑞金苟脚巡檢寨元額一百人今欲六十人為額石
城捉殺寨元額五十人今欲四十人額詔令見在人並
令仍舊如已溢新額將來有闕更不招填 嘉泰三年
三月二十九日浙西提舉趙不悛言弓手之置所以禦
盜賊而備巡警隨其邑之大小以立定額為令佐者固
當體立法之意參照元額其有亡逸者從而招填癯老

者從而汰易庸錢有常給以安其生教閱有常時以精其藝冗使有常禁以養其力今乃不然率額數之闕以為虛破庸錢之地教閱訓習漫不經意迎送差使畧無虛日一旦有不測之警捍禦無人將何所恃乞行下諸路仰各縣重行置籍照祖額數目限三月招填年齒若干身驅長短令本縣令佐列銜保明每季一申提刑司不時差官點籍按視一申提舉司憑籍照數支破庸錢自然名寔相副仍戒教逐縣訓習教閱務在以時迎送差使不許違禁稍有乖戾重寔典憲庶幾捍禦可恃盜竊之徒望風畏戢從之

開熙二年三月二十六日臣僚言浙東諸郡瀕海則有販鬻私鹽之利居山則有赴

逐坑場之利利之所在民爭趨之是以兇黠不逞之徒
黠竄逃亡之卒烏合蜂聚什百為羣坑場作過則逃死
於海濱私販苟敗則偷生於坑井深山大澤互為窟穴
平時望屋而食稍不如意則公行剽剽莫敢誰何歲歉
可乘相挺而起豈不重為田里之憂哉比年以來盜寇
之患人皆知之而不知盜賊之可憂者尤在於此畿內
密邇所宜防閑乞下本路帥臣監司常切禁戢其有盜
監及坑場去處所管巡尉司土兵弓手並令日下招補
及額仍申嚴不許差出之令以時教閱使武藝精習足
以扞護鄉井而為盜賊之防從之 四月十八日樞密
院言諸路揀中禁軍并土兵弓手累有指揮約束不許

差借私役非不嚴切訪聞州郡往往視為文具全不留
意見任寄居等官例皆差借私役是致入教人數稀少
及闕人巡警盜賊理宜措置詔令諸路帥司各行下所
部州軍並仰日下盡數拘收入教專令兵官任責教閱
內土兵弓手仍須巡警盜賊雖監司守臣亦不許占破
一名只許差破廂軍寄居等官雖廂軍亦不許差借如
尚敢占留重鑄責候今降指揮到日限五日並要拘收
齊足仰安撫提刑司并御史臺常切覺察月具有無違
戾聞奏如安撫提刑蒙庇及視為文具一例責罰仰帥
憲司先次開具已拘收人數申樞密院嘉定五年二
月十四日臣寮言郡無大小皆有禁兵兵無衆寡皆厚

廩食弓手土兵其去民為甚近於警捕為尤切禁卒衣糧如期支給土兵弓手或至稽緩所得月糧或掇發綱運縱使給付多腐壞舂碎之米使之何以充食所得庸金或輟那他用至於官舍敝陋責其修葺送迎費耗彊其陪備使之何所從出間有撥一二頑鄉役錢付尉司徑自拘催給散催理頗艱未免愆期甚至科折以酒倍增其價是直攘之而已矣既蓄此曹安可不優恤之乎乞飭諸路州縣視禁卒弓兵均為一體勿令重輕土兵衣糧以堪好者如期給付弓手庸直於催到役錢按月支散并禁止折酒掊剋之擾或有闕額並令招填仍令監司郡守常切覺察從之

十年三月六日臣僚言竊

惟國家之設兵所以豫備不虞非直為是觀美也今之
弓手寨兵羣然坐食無異平民春秋教閱雖常程視為
具文安有實藝每日不過奔走衙前承受文引供應雜
役伺候酉點之外則晏然以為無事矣為巡尉者不問
弓兵額管多寡其間占破如廳子虞候動十餘人甚至
年方童稚或衰老罷懦力不勝任補為小廳院子入宅
使令虛占名籍耗費廩給脫有緩急何以倚仗乞下州
縣巡尉兩司嚴督弓手寨兵除差出巡捕外每日親到
教場團集聚習務在武藝精熟汰去老弱專選彊壯有
力之人補填舊額所差廳子虞候止許存留三人亦須
隨衆教閱不得避免每日教罷前赴縣衙放散其巡檢

司或有去路遙遠只令巡檢司更加點集每遇春秋大
閱州縣按試不得仍前視為具文擇武藝優彊者厚加
精賞否則罪亦不恕其巡尉尚敢慢令許監司郡守覺
察併乞行下州縣弓手寨兵衣糧雇錢須管按月支給
不許積壓拖欠可以責其練習精勤而無饑寒之慮也
從之 十六年十一月一日臣寮言仰觀國史乾道間
尚書省言諸州水旱之後或有盜賊欲令諸路察巡尉
之昏繆者亟加奏罷仍撫恤弓手按月支給請闕額者速
招募數足捕盜合得功賞催促保明申聞孝宗從之臣
訪聞近來浙西有被潦去處小寇間作提刑司措置行
下諸州招填弓手土軍闕額其嘗隸兵籍以微罪逐者

俾之捕賊而復元名以為歟歲寇盜之防會謂所以委
是允當臣每見州縣守令常以弓手土軍闕額之多為
喜蓋可以減月廩庸錢以資妄用不暇為防姦計也巡
尉間有振職以招填為請則往往忤長官之意是豈容
不申徹歟欲望聖慈仰循祖法行下刑部疾速遍牒諸
路提刑司並仰日下從浙西例一體施行仍察巡尉之
昏繆不任事者具名申省弓手土軍請給錢米並須按
月以本色支給如郡邑違戾提刑即行按劾從之

大興李
年三